

## دفع الخواطر | سلسلة الداء والدواء للشيخ محمد خيري

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل اشهد ان لا اله الا الله وحده لا شريك له  
واشهد ان محمدا عبده ورسوله وبعد فاسأل الله سبحانه وتعالى - 00:00:00

ان يسعدكم في هذا الصباح وفي كل صباح وان ينزل علينا وعليكم السكينة وان يغشانا برحمته جل وعلا وان يصلح بنا وان يطهر  
قلوبنا ونسأله سبحانه وتعالى ان يسددنا واياكم لما يحب ويرضي - 00:00:21

ما زال حديثنا مع كلام الامام المبارك ابي عبدالله وهو يتكلم عن امر هو في غاية الاهمية الا وهو امر الخواطر فيقول رحمة الله عليه  
وهو يتكلم عن الخطر واهمية هذا الباب - 00:00:44

يقول واما الخطارات فشأنها اصعب فانها مبدأ الخير والشر ومنها تتولد الارادات. احنا اتفقنا ان الواحد تيجي له خواطر الخاطر ده  
ممکن يكون خاطر رحماني او خاطر شيطاني فكرة تيجي مجرد خاطرة - 00:01:26

او وسوس والخواطر والوسوس بتكون آآ ليست من افعال العبد ليست من افعال العبد بمعنى اه او قد يكون ليست من افعاله حاجة  
تهجم عليك خاطرة تمر عليك كده زي كده النظر - 00:01:50

مش النزد احيانا آآ النبي صلى الله عليه وسلم قال الاولى لك والثانية عليك ليه الاولى لك الاولى لك يعني مش هتاخد  
راحتك فيها لان بعض الناس ممکن يقول لك الاولى لك اه - 00:02:11

آآ حاسبها بالرمض هو لو رمش يبقى دي اتحسبت اولى او بالالتفاتات يعني بيص كده للي للبنت المعدية وهي اداناها تركز على الولد  
لغایة ما خلاص بقى هي تعدى او يقول لك خلاص كده دي الاولى لو بصيت تاني يبقى دي علي لا - 00:02:29

هي الاولى التي لم تكن انت ما تسعى لها. يعني انت بتبع عادي كده يمين شمال لمحت شيء وخد بالك خلاص دي الاولى دي لقطة آآ<sup>1</sup>  
القطة دي الاولى هي ديت التي لك - 00:02:50

طيب والثانية عليك ليه لان الثانية انت طلبتها واحدين بالكم الخواطر والوسوس الاصل ان هي مش بيد الانسان  
لكن ان هي يتم انك تتفاعل معها وتبدأ تنتقل للفكر ده اللي بایدك - 00:03:16

ولذلك الله سبحانه وتعالى يقول ان في ذلك لaiات لقوم يتفكرون. فالتفكير فعل العبد انه مكلف فانت قاعد آآ تتکلف للافکار ديت قاعد  
حاول تستدعيها تحاول تجييها واحدين بالكم مجرد الخاطرة - 00:03:43

خاطرة تجييلي كده خاطرة ان انا اصلی على النبي صلی الله عليه وسلم مجرد لقطة اه خاطرة اللي انا اعمل برنامج عن الصلاة للكبار  
واعلن عنه دي مجرد خاطرة. الخاطرة ديت انا روحي ماسکها. اصطادها - 00:04:09

اه الخاطرة ديت عاملة زي العصفورة كده لقيتها بتطير قدامك فكرة كده لو هي خاطرة طيبة فتسعى انك تصطادها مجرد ما بدأت  
تسعى للاصطياد وهتفكر وحطط الحبة هنا عشان هي تنزل وبعد ما هتنزل انا همسكها وبعد ما امسكها مش عارف هعمل فيها ايه؟ كل  
ده تفاعل مع الخواطر - 00:04:30

التفاعل ده هي العصفورة نفسها ان هي تظهر مش انت اللي جبتها هي مرت عليك وواصل لحضراتكم الفكرة دي فابن القيم بيتكلّم  
بقي بيقول لك خلي بالك بان مبدأ زي ما اتكلمنا المرة اللي فاتت كل علم نزري - 00:04:57

او عمل اختياري هو الخواطر والافكار الخواطر والافكار فصلاح بقى الخواطر دي انها دايما تكون انت بتراقبها دايما مركز عامل  
كتنرول مش مجرد ان هي مم تمر تتعامل معها كده وخلاص بدون اي - 00:05:18

الضوابط لا فهو بيقول لك الخطرات شأنها مش سهل لأنها مبدأ الخير والشر مبدأ الخير والشر. صلاح الخواطر انها تكون دايما انت مستحضر الرب سبحانه وتعالى مستحضر ان الله سبحانه وتعالى يراك - [00:05:40](#)

وانك يا الحاجات ديت هتتكلم فيها ان شاء الله ازاي احنا نجيها هي اللي خلي الخواطر بتاعتي تبقى كويسة في حاجات كثير تساعدك ان الخواطر تكون كويسة. الخواطر نفسها اللي تزهر اللي هي العصافير - [00:06:05](#)

ان العصافير دي تبقى حاجات كويسة؟ اه زي التفكير في الائها في نعمه في توحيده بطرق عبوديته انك تتفكر في خلق السماوات والارض انك تتفكر دايما ايه اللي ينفعك بكرة الحاجات دي - [00:06:21](#)

حتكون سبب بعد شوية ان ربنا سبحانه وتعالى يمطر عليك خواطر عاملة زي الودق المطر كل شوية تنزل عليك او استحضرت الحاجة ديت واستحضرت دائمًا مراقبة الله لك وجعلته رقيب مطلع على الخواطر بتاعتكم. ان هي تتعامل معها ازاي - [00:06:37](#) وهل هتتحول لايرادات وتفكير وهمة ولا لا؟ لو استحضرت ده هتستحي منه وستحلّ رب انك تطلعه على عوره يكره ان يطلع عليه مخلوق آآ تحبه وتجل فما بالك الا سبحانه وتعالى - [00:07:03](#)

فابن القيم حتى بيتكلم في المشهد ده مشهد مراقبة يقول فمتى انزل رباه هذه المنزلة منه لو استحضر ده يرفعه الله ويكرمه ويحبه ويؤاليه وبقدر ان يبعد عن الاوساخ والذناءات دي والاقزاز والافكار الدينية دي - [00:07:29](#)

كلما بعد عن ذلك كلما بعد عنها بعد عن الایه عن الاشرار وبعد عن الشر. طب وكلما قرب الا بعدا للقوم الظالمين هيبعد بقى ليه؟ لان القلب ده وعاء - [00:07:53](#)

القلب ده وعاء ما ينفعش زي كوباء كده. ما ينفعش لا يتسع لنوعين من الشراب. متناقضين ما ينفعش بقى فيه كوباء فيها كوباء شاي مولعة وفيها آآ عصير بارد جدا. مش هيمنع - [00:08:14](#)

الاتنين دول متناقضين فاللي بيفكر في الخير هيبعد تلقائي عن الحاجات الوحشة هيبعد تلقائي عن الاوساخ عن الذناءات عن الاقزاز هيبعد عن النقاوص سبحان الله الانسان خير المخلوقات اذا تقرب - [00:08:38](#)

واقترب من بارئه والتزم اوامرها ونواهيه واثر رضاه على رضا الله سبحانه وتعالى على هواه. هيكون من خير المخلوقات وهو هو هو هو الانسان هيكون شر المخلوقات اذا ابتعد عن - [00:09:04](#)

ولم يتحرك قلبه لقربه وطاعته. واديكم شايفين المجرمين الامة المغضوب عليهم. شف كيف يتفاعلون اما الانسان يبعد عن ربنا بيبقى عامل ازاي واشوف بقى الناس اللي ربنا اه ابتلاهم بقصوة القلب - [00:09:35](#)

ولدرجة ان هما كالحجارة او اشد قسوة وهو قاعد كمان يأيد كانه او بلاش نقول يأيد الامة المغضوبة. فيه ناس بتأيد الامة المغضوب عليهم وقعد يقيد له يقيد لهؤلاء ويجعل لهم مبرر - [00:09:57](#)

واطلق الله سبحانه وتعالى لسانه وطمسم بصيرته فلم يعد يرى الا آآ اخوانه المسلمين. وآآ انهم قصرروا وانهم كذا وانهم كذا فتلaci سبحان الله كل هؤلاء مشغولين بايه - [00:10:14](#)

مشغولين بحاجة بعيدة قوي لا شايف ان في اطفال ولا شايف اللي كان لا لا لا هو لا يرى كل هذه الامور كل اللي هو شاغله - [00:10:40](#)

احاجات بعيدة تماما فتقول سبحان الله. الحمد لله اللي ربنا يعني سكرنا وقال لنا ان في ناس هتكون كالحجارة او اشد في قلوب ناس هتبقى اشد من الحجارة نسأل الله العفو والعافية - [00:10:52](#)

طب ده جه من جه منين؟ احنا قلنا ان الانسان هيكون خير المخلوقات لو اقترب من داره وشر المخلوقات والعياز بالله هو هو الانسان لو ابتعد عن الله سبحانه وتعالى - [00:11:10](#)

فلو اختار التقرب واثره على نفسه وهو هواه فقد حكم قلبه عقله وايمانه على نفسه. بقى هو اللي سايق مش شيطانه ولو ابتعد هيكون شر المخلوقات خير البرية وشر البرية. اما يكون في عليين واما يكون في سجدين. فعشان كده الواحد اما بيشوف بعض الناس - [00:11:24](#)

كل اللي شاغله ان يتهكم على اخوانه المسلمين يذكر الموحدين اه بطريقة معينة ويعني امسلهم طريقة اللي قاعد مشغول آآ انت  
بتعملوا ايه؟ روحوا جاهدوا بالسنن انت يا ابني عايش ولا انت صاحي ولا انت نايم ولا انت فين - 00:11:45  
له سبحان الله هم درجات عند الله هدانا الله وهؤلاء الى سواء السبيل فسبحان الله طريقة اللي بيفكر في الخير هيبيتعد تلقائي عن  
الاسباب الخبيثة الاسباب دي بقى سواء شبها - 00:12:12

مضلة او شهوات اه تغويه فكل واحد لازم ياخد باله ان الخواطر دي هيتعامل معها ازاى لان هيتعها بعد كده التفكير فيها هيبدأوا  
يفكر في الشهوات الشهوات سواء كانت محرمة - 00:12:34

اه او شهوات تتعلق بالدنيا والتعليق فيها سبحان الله! هي معادلة عادلة معادلة عادل هتقرب خلاص هتكون خير  
المخلوقات وهتلaci خواطرك بتروح في حته تانية وربنا سبحانه وتعالى بيهمك فيها معاني مختلفة تماما - 00:12:53  
ولكن لو سبت الخواطرك آآ تلعب في قلبك مم خلاص كده. لو مش موتها وبقى عندك قوة على قطعها هتهجم عليك هجوم النفس  
الامارة بالسوء وتبدأ بقى تبتلى بادواء يتاخر علاجها - 00:13:22

زي السكر اللي بيكون سكر الناس سكر الهوى في عشق الصور اعطي وخاصة في الوقت المعاصر مع الموبايلات والمواقع التواصل  
وال حاجات ديت اه سرحان على طول قعد يستحضر الخيال ويشفوف والاشكال ومش عارف ايه وسبحان الله. مجرد ما يسرح يبدأ  
يشوف الصور - 00:13:47

ومع الوقت تبدأ الشبهات بقى وخواطرك شبهة وسبحان الله وبعد كده الشهوة تيجي لان كل شهوة هي جنين في رحم شبهة واحد يقول  
لك اصل مش عارف ايه والخمرة ومش عارف كذا وكذا وكذا دي شبهة صح؟ اه - 00:14:13

جوة الشبهة دي الشبهة دي هنقول ان هي ام جواها شهوة او ممكن تقول العكس من مواجهة تانية هما بيسسلم بيسلموا بعض ان  
الشهوة دي الام اللي انتجت الایه الشبهة دي والشبهة دي خافية جواها شهوة - 00:14:38

عشان كده معظم الشبهات خلفها وفي بطنها شهوة هو عاوز بيتص وعاوز يطلق النزد يقول لك يا عم على فكرة آآ انا  
قرأت آآ وكنت شفت حدليس ان مش عارف مين كانت بتتكلم مع الصحابي والامور دي يا جماعة مش بالطريقة دي. هو - 00:15:07  
من جوة نفسه هو مش واحد باله اه ان النفس الامارة دي عاوزة ايه؟ تنطلق عاوزة ترتع وتجري كده زي الماشية ما بتجري في الارض.  
هي عاوزة تأخذ راحتها وتنطلق في الحاجات دي - 00:15:31

دي الشهوة فيجيب لها شبهة تسفلت الطريق فانت تبقى شايفها ظاهرا شبهة لكن الخفاء الدافع اللي الجنين اللي جوة الحاجة  
المستحبة جوة هي الشهوة فسبحان الله ادراك المعاني دي في غاية الاهمية لان النفس امارة بالسوء - 00:15:46

والنفس شغاله عند حد يا جماعة النفس الامارة دي شغاله عند حد شغاله عند الشيطان الشيطان ده الكفيل عارفين الجماعة الخليجة  
عندهم ايه كفيل ما هو مكفول الكفيل ده ده اللي ايه - 00:16:15

ده اللي مشغله ماشي والنفس دي تسمع الكلام عميل فالنفس الامارة دي قاعدة شغاله يعني الشيطان يوجهها ويتحكم فيها  
وخلی بالكم الشيطان عنده صلة رحم مين الرحم بتاعته؟ النفس. كل شوية يزورها - 00:16:37  
يهمت بيه يشوفها محتاجة ايه يحاول يبرها يحاول يتلطف لها ماشي اه تتضايق منه تزعق له تغضب منه مش عارف ايه يقول معلش  
آآ بردو لازم ايه؟ بقى في صلة - 00:17:17

نحاول تاني طب ندخلها مالطريق ده يمكن هي اتضايقت مني لما عملت فيحاول مركز جدا على صلة ارحمه فده قطع الرحم بقى  
الواجبة لو ما قطعتش الرحم دي وحاولت ترخص وتقفل الباب هيدينو بقى - 00:17:35

في مجرد ما يلاقى بقى ايه استضافة وتعالى ومش عارف ايه وتروح حاطط له ايه اه الاكيل والشرب وترحب به وبناع ولنا ولك شوقة  
وما بتجييش ليه من زمان؟ يقول لك لا هو انا ما خرجتش ده انا قاعد على طول - 00:17:55

واخدin بالكم فلو اديته الود ده هيكل وبعدين دايما هيجي ويطلع الدنيا يطلع جوة القلب فلو لقى ان الدنيا انتم عارفين الحطب  
الاشجار اما بتكون آآ ليست نضرة شوية خشب كده وحطb وبناع لو انا ولعت في الحطب ده ايه اللي بيحصل - 00:18:12

الحطب الجاف ده لو انا ولعت فيه بيشتغل بسرعة صح؟ طب لو انا جبت بقى ايه بورق اخضر كده ولسه في النضارة وبتاع بيشتغل  
بسريعة بطيء جدا وهيدخن صح هو قلبك اما بيكون دايما عندك ندرة - 00:18:45

نظرة الطاعات ودайما شغال فهياحصل اخضرار للقلب. فيجي الشيطان يرمي ولعة ما بتتحركتش ما تعرفش تشتعل لك عم يبقى الدنيا  
بقت حطب وقش وبتاع مجرد ما هيرمي الشبهة ولسه في خاطر انت شايفه - 00:19:06

خلاص بقى لكن طول ما في انت قاعد عمال تسقي نباتات القلب دي بالماء وبالوحى والطاعات لا هتروح في حته تانية  
فالانسان لا يرضى ابدا ان الشيطان يتتحكم في هذه في هذه القلب - 00:19:25

بهاذا القلب وتلك الموضة التي بيشهه وبين جنبيك ودайما هدى الوحي هداه هو اللي يسيطر على هواه مين اللي هيحكم حتى لو الحاجة  
ديت فيها اللذة مين اللي له الكلمة - 00:19:54

يا ترى مين اللي له الكلمة على عيني؟ مين اللي له الكلمة على لسانى؟ مين اللي له الكلمة على ودني؟ مين هل النفس الامارة ولا  
الشيطان ولا الوحي ده هيفرق كتير هيفرق كتير قوي - 00:20:12

انك تستحضره والنفس ابن القيم دايما يشبهها ان ربنا خلقها عاملة زي الرحمى احنا عارفين الخلط عارفين انتم الراحة الناس اللي  
كانوا بيطحنوا زمان كده بيطحنوا على ايه؟ الحجرين دول ودانهم يفركوهם في بعض الراحة دي - 00:20:30  
اشبه بالخلط كده الخلط ده بيططلع عصير ولا بيططلع حاجة تانية الحا على حسب على حسب انت حاطط ايه عشان يطحن صح ما هو  
ممکن يطلع مية وواحد حاطط مية وواحد مشغل الخلط هيطلع ايه - 00:20:48

وراح يحط ميه في الخلط يقوم شغال والخلط شغال هيطلع ايه؟ هيطلع ميه طب حط عليها ملح يطلع ميه بملح طب حطيت سكر  
هيطلع مية سكر فقط شوية آآ جوافة كده وبتاع ومانجة وراح مدخلها مع بعض هيطلع لك عصير الجوافة بالمانجة - 00:21:12  
واحدة بقى على حسب انت هتعمل ايه؟ شغال طيب ابن القيم بيقول لك ان النفس دي عاملة زي الخلط اللي شغال فهو شغال قاعد  
ايه؟ يزن يزن يزن انت هتحط ايه هو هيتحضن - 00:21:31

واحدين بالكم ولا سرحانين فيبيقول النفس دي زي الرحمى لا تسكن ما بتقفلش ولا بد من شيء تطحنه لازم في حاجة تطحنه فلو حطيت  
فيها حب هتطحنه لو حطيت فيها تراب - 00:21:48

او حصى هتطحنه فالافكار والخواطر هي دي الحبة بقى على حسب ابص عليها اتكلم معها مش عارف ايه ومية قابل ومش يلا احد  
عمال يرمي الايه الحاجات دي ايه اللي هيتنج - 00:22:10

هيرمي الافكار الرديئة دي والخواطر الشيطانية دي هيرميها الشيطان هياخدتها بقى ويشغلها وده انه ايه صاحبنا ده فاكر ان هو ايه  
الخلط شغال بيقى الدنيا تمام لا على حسب هو شغال بيطحن ايه - 00:22:30

في ناس بتطحنج حب فيبيطلع دقيق هيمنفعه وينفع غيره وفي ناس هتطحنج رملة وحصى وتبني فاذا وجاء وقت العجم عاوزين بقى  
نخبز هات يا جماعة كل واحد يجيب اللي عمله وواحد هيجب لك دقيق - 00:22:53

اه اه عشان تخبزه وعجين والتاني هيجب لك حصى ورمل هنعمل به ايه بقى ان شاء الله فالبعض قاعد يحط في الخلط بتاعه  
ويحط في الراحة بتاعته الحب. فالحب ده قعد عمال يطحن يطنحن دقيق يطلع عجين. ينفع يخبز ينفع  
يستفيد منه يأكل - 00:23:13

ويأكل غيره فنفع به وفي واحد تاني حاطط للحصى الحصى ده هييعمل بييه رمل يجي يأكل ده كله رمل ايه يا ابني ده ما هو ده اللي  
كان موجود فضلا بقى ان في ناس بتطحنج سن - 00:23:36

قعد يحط سم كده يطحنه وفي واحد بقى ما بيطحش سم ولا حاجة انتو لو جبتوا زلت وحلطتها في الخلط ايه اللي هيحصل في  
الخلط هيتكسر هيكسر الخلط ايوة في ناس كده بقى قاعدة تكسر في حياتي نفسها - 00:23:53  
فالنفس دي قاعدة ايه شغالة بتزن عارفة اما تحط ايديك كده على التلاجة فايه شغالة زنب ما بتقفلش هي نفسك والافكار دي شغالة  
شغالة انا ابن المبارك بقى له كلمة جامدة اويء - 00:24:19

بقول ان اهل البر اعمالهم تغلي بالبر هو دايما دماغه قاعدة عمال تغلي تغلي تغلي وهو داخل ينام وبعدين يقول ايه آآفلان  
ده كنت مفترض اطمئن عليه. فيروح باعت له رسالة - 00:24:34

وبعدين تيجي له خاطرة انت ما سلمتش على والدتك النهاردة فايه ينزل يسلم عليها وبعدين آآبقي لنا فترة ما بنازنش اه صح فخلي  
بالك انت متكلمتش مع الاخوات اللي قالوا لك اه في في الصلاة ده في ناس كتير سنها كبير عاوزة برنامج عن الصلاة برضه -  
00:24:51

يا ربى ده انا كنت ناوي اتكلم عن الصلاة في برنامج بس انا متأخر خالص طب ما تيلا طب واسماء الله الحسنى بقى انت هتدنك كده  
معلقة فتلاقي الدماغ قاعدة ايه - 00:25:14

شغالة ماشي؟ ده انت ما جاوبتش على الاستشارة بتاعة الناس. ده انت ما شفتش الرسائل دي فتلاقي ان الاعمال من غصب عنك  
بتغلب البر طب والتانيين والعياز بالله اعمالهم بتغلب الايه؟ بالفجور - 00:25:29

كل شوية قاعد يفكر آآ هيشرب ايه ويأكل ايه وهيخرج ازاي مع زمايله وهيعملوا ايه وهيقابلو مين وهيجيبوا المشروب ده منين  
وهيسرقوا ازاي وهيفضحك على آآ الناس ديت ازاي نسأل الله العفو والعافية - 00:25:44

فالخواطر دي مهمة قوي الخواطر دي عاملة زي البزرة بذرة واحد رماه واحد رمى بزرة. البزرة دي رماها في ارض لو انت خدت البزرة  
دي وايدك بقى وتقول ايه؟ ورحت اديتك تسقيها وتهتم بها وتحط التقاوى بتاعتتها وتحط الكلام ده كله. ايه اللي هيحصل -  
00:26:02

اللي بيسألني على قواطع الخواطر ديت هو انت وانت مدرك احنا بنتكلم في ايه طيب؟ ما هو ده احنا لسه بنتكلم فيه يعني ما  
تكتبوش ويسمعوا كده شوية هتلاقوا انفسكم ايه؟ الاجابات كلها موجودة - 00:26:27

فواحد رمى بزرة في الارض بتاعتكم. ايه اللي هيحصل المفترض اللي تحصل تبص كده ايه الرمية دي اه لقيتها لقيتها البزرة دي لقيتها  
حاجة تأزيك زي القمامه كده تروح على طول شاليها ومنصفها - 00:26:40

صعبه باخد كده على طول وترمي انك تزيلها في المبدأ هتلaciها سهلة اسهل بكثير فانا لقيت البزرة واحد رماها سهل ان انا اروح  
شاليها وراميها طب لو سبتها هتبدا في مطرة تنزل. تبدأ بقى لها جدر في الاول الجدر ده صغير - 00:27:02

وان تبدأ ترعرع وبعدين يبدأ حد يسيح وانت قاعد عمال تبص فيها تأخذ معها سيلفي تنشر الصورة ناس يقول لك الله ده اجمل زرعة  
دي ولا ايه وتبدا بقى ايه تكبر تكبر الجدر قعد يزيق يزيد يزيد يزيد ايه اللي يحصل - 00:27:27

نيجي نطلع الشجرة؟ لا يا نجم كان وهي بزرة سهلة كنا سهل نطلعها كانت بسهولة هنرميها فالبزرة دي بنترمي في ارض القلب اترمت  
في ارض القلب احنا دلوقتي هي ما لهاش جدر - 00:27:50

سهل نشيلها واحدين بالكم؟ وده لها ملجم حديس النبي صلى الله عليه وسلم. يقول لك ويحك لا تفتح ما تفتحش الباب ده ليه انت  
افتتحه تلد خلاص تيجي هنا هتبقى خالص - 00:28:09

هتروح في حنة تانية فسبتها البزرة دي تبقى دنها في القلب هتبدا بقى تنقي تدخل جوة تدخل تدخل تدخل واحيانا  
تطول شوفوا السجائر اول مرة جات له شعور ان يشرب سيجارة - 00:28:27

والخاطرة دي تفاعل معها. اول ما جه يشرب ده انه كح وكح ومش قادر وريحة وحشة وهدومه ومش عارف ايه والقرف ده  
يعني انا بردو يعني شوفوا حتى بناع السجائر ده اما تيجي يتخييل نفسه من فوق كده يعني تخيل اول واحد شرب سجائر في  
الحياة - 00:28:48

فيتخيل نفسه كده وهو ايه يعني ايه المتعة ان في واحد ايه يشفط حاجة ودانه يطلع دخانة وريحتها وحشة وقرف المتعة اللي في  
كده احيانا كده انت بتبعص كده للناس اللي بتبعد الفران. يعني ايه اللي عجبه في الفار - 00:29:10

يعني مسلا سنانه دينه بيلاعبه خلاص وهو بيعدى من فلسه فحس ان في متعة كده غريبة جدا شاف الكائن ده كده مسلا بيدخل عليه  
السرور اول ما يشوفه خلاص آآ شنباته آآ فرقـت معه قوي مسلا حسان الشنب ده فارق معه قوي في الطموح بناع الحياة - 00:29:28

ما فيش اي حاجة تديله الطاقة دي صح؟ لكن سبحان الله هي كانت خاطرة الخاطرة دي تطورت وسبحان الله الانسان بيبقى وحش اوي اوي اوي اما بيبعد عن الوحي - [00:29:50](#)

الوحي بيروح في حته تانية خالص. فالشاب اللي اول ما جه يشرب سيجارة ايه اللي حصل؟ اول ما جه يشرب السيجارة ده انه يكح والرئة بتقول له يا عم انت - [00:30:08](#)

يا حبيبي ايه اللي انت بتعمله ده؟ انت مدخل حاجة هتدمنا فالرئة تتقول له ايه؟ ابعدها احنا مش قادرين عليها وتديلو ازارات فقعدمان يكح ومش قادر هنا سهل جدا يسيبها - [00:30:21](#)

لكن يدنو يستمر ويستمر وينتقل من مرحلة الفكر والعمل لمرحلة التذكر. انتم عارفين ان التذكر واحد اعتكف جت له فكرة كده خاطرة طب ما انا اغير جوي ورمضان واروح اعمل عمرة او اعتكف او اتصدق او او فجاء له جو ايماني جميل اوي وعمله - [00:30:37](#)  
فده الافكار دي انتقلت لعمل. عملها مرة بعد شوية يجي يتذكر الايه العمل ده فيحن تاني انه يكرره واخدin بالكم عشان كده اما بيجي ابن القيم هيتكلم في العمق ده يقولوا ان من بعد - [00:30:58](#)

الخواطر والابرادات والتفكير والابرادات والعمل يرجع تاني التذكر. وده الفرق بين التذكر والتفكير ان تذكر انك بتتزكر حاجة عملتها عارفين البنات المنتقبات احيانا بيقعوا في الفخ ده الشيطان بيوقعهم في ايه - [00:31:16](#)  
في عبودية وحشة في التذكر. ايه هي العبودية الوحشة تبدأ تذكر زمان لما كانت في الجامعة وكانت شعرها جميل وتقول ايه والله انا كان اقسم بالله كنت ده انا كنت تحفة - [00:31:36](#)

ده انا كنت بمشي في الجامعة ولا اتخن لحية يقدر يغض بصره علي انا يعني بس يعني الحمد لله بقى ربنا سترنا. دي قاعدة بتتزكريه  
انت قاعدة بتختاري بالذنب ده انت كنت مشكلة. ده كان عندك ازمة - [00:31:51](#)

الازمة دي المفترض انت ايه آما تكلمي فيها الا من باب تقولي سبحان الله احنا كنا مغيبين اللهم لك الحمد ربنا سترني الحمد لله اللي نجاني الحمد لله اللي - [00:32:09](#)

عافاني الحمد لله اللي سبتي العمق ده مهم قوي لكن انت قاعد تذكرى واحد يقول ايه؟ ولا قعد يتذكر يقول لهم خلوا بالكم ده وانا شاب في الجامعة اه مش هيفر لك اللحية دي. لا انا كنت مكسرها - [00:32:21](#)

انت عارف الشیخ اللي بيدینا الدرس ده لا ده كان نجم ويقول لهم بقى يعني هو الحمد لله بقى ربنا عافانا بس انا كنت ايه حریقة بقى سجاير وكنا نجیب له کذا تعال يا عم الشیخ انت مبسوط قوي ليه کده؟ انت حاسس انک ایه - [00:32:37](#)  
زي وجودي اتنقت في الدروس ولا ايه؟ ففي فرق ان الواحد يستحضر الحاجة ديت من باب يشكر نعم الله سبحانه وتعالى. وواحد بيذكرها كانه ايه يعني زعلان على ایام الماضي. ماشي؟ اللي بيسأل على ایام الجاهليه الصحابي بيذكرها ایام الجاهليه. مش بيذكرها فعله هو في الجاهليه - [00:32:51](#)

ایام الجاهليه افعالهم يعني الايه العادات بتاعتهم کده اما واحد صحابي يقول لك ياه کنا بقى كل يوم نزني وكل كل يوم نشرب الخمر فاکر يا اخي ما کنا بنجيها من اليمن كانت جميلة قوي. ایام يا ابو عبيدة ایام. يلا قدر الله وما شاء فعل. انت يا عم انت زعلان ليه انت؟ انت حاسس انک متورط ولا ايه - [00:33:14](#)

اه لا يا جماعة وان يكره ان يعود الى الكفر يكره ان يعود الى الفسق يكره ان يعود الى المعاصي هو ده اللي بيزوق حلاوة الايمان اه  
ممکن يقع خلاص النفس النفس بتغلبه مرة واتنين وتلاتة ما فيش مشكلة بس ممکن الواحد يقع ويقع في الذنب بس بيبقى متضايق  
علامة - [00:33:34](#)

مؤمن يقول يا رب اعني يا رب نفسي البس الحجاب نفسي اغطي شعري بس انا مش قادرة عندي زروفي عندي کذا نفسي غلاني  
مش عارف ايه فبيحاول بقدر الامکان يري الله من جوة ان عنده هموم والرب سبحانه وتعالى وما کنا غائبین - [00:33:54](#)  
يسمع انا قلبك ليعلم ما الذي اهمك وان تصدق الله يصدقك هيوففك في الطاعات هيوففك في التوفيق. وسبحان الله الناس دي  
اللي بيكون عنده المعاني دي لابد ان شاء الله انه يوفق السداد والرشاد - [00:34:12](#)

قبل الممات الصحابة رضي الله عنه لما راحوا للنبي صلى الله عليه وسلم قالوا له يا رسول الله ان احدهنا ليجد في نفسه مال ان يحترق حتى يصير حممه احب اليه من ان يتكلم به. انا احياناً تجبيها خاطرة كده يا رسول الله - [00:34:30](#)

يعني لو يعني لو اموت وضاو يعني اتحول لحاجة كده تتحرق افضل يكتير اللي انا افكر فيه. قال لهم اوقد وجدتموه قالوا نعم. قال [ذاك صريح الامام](#). طب يعني ايه صريح الامام - [00:34:45](#)

ان واحد تدي له خاطرة كده او ايه اه الشيطان يووسوس له معنى كده وحش فيبقى متضايق. النبي صلى الله عليه وسلم بيقول له المعركة اللي جوة قلبك دي المعركة دي اللي انت قاعد تدفع فيها الخواطر السيئة دي - [00:34:59](#)

ده الايمان بقى لانك مش قابلها ولا راضي بها. ومتضايق منها فده ده من ده الايمان ده عمق عالي قوي انك تكون مش حابب الجو ده مش حابب انه يسكن في قلبك التفكير ده - [00:35:13](#)

فاحباب ربنا وكاره الموضوع ده ده النبي صلى الله عليه وسلم بيقول لنا ان ده بقى صريح الايمان. طيب فيه احياناً بعض الناس بيجان الموضوع ده بيضغط عليه قوي ومش قادر يخلصه مش قادر يبعد عنه وكل - [00:35:30](#)

لما بيحاول يصرف التفكير ده عنده يهجم عليه تاني وتالت ورابع ما بيعرفش ينام منه اه دي درجة بقى وسوس قهري. لما ايه؟ ده يحتاج لاحد الفروق. مجرد الوسواس العادي والوسواس المستمر اللي قاعد يضغط - [00:35:44](#)

ده يحتاج انك مع التركيز في الرقيقة والاستشفاء بكتاب الله سبحانه وتعالى والطاعات والاكثر من الدعاء والكلام ده. فان استمر هذا الامر فربما تحتاج استشارة طبيب ربنا يعافي الجميع يعني - [00:36:00](#)

الناس ديت يا جماعة محتاجة حسن تعامل اللي بيكونوا فعلاً عندهم الليل الوسواس القهري ده بيحاجوا حسن تعامل ان لما بيبتلي بحد لا يفقه هذا الباب ربما يؤذيه من حيث يريد ان ينفعه - [00:36:18](#)

فاسأل الله ان يرفق بهم ويعافيه يقول لابن القيم فمن راعى خطراته ملك زمام نفسه وقهراً هوه ملك زمام نفسه وقهراً هوه. ومن غلبته خطراته فهوه ونفسه له اغلى ومن استهان بالخطرات - [00:36:33](#)

قادته الى قصرها الى الهلكات اتقود هتسهين بيهما هتضيعك اه هتسروح حتى سبحانه الله في تعظيم الدنيا وتحقيقها. سواء تعظمها خاطرة كده اتعزم الاخرة مخاطرة تانية تعظم الدنيا تسترسل في الين فيهم هتعرف هتعرف بقى نهاية الطريق ايه ما انت خلاص عرفت بقى - [00:36:56](#)

هل ده بيودي فين؟ في واحد كان خارج مع زوجته فزوجته هو جاله خاطر بيقول الخاطر ده عدلني جداً بقى استرسل معه ووداه في حلة تانية كده فيبيقول عجبني جداً وعدله - [00:37:23](#)

وهو ماشي هو راجل فقير اه ربما غني القلب فقير الایه الجيب فآآا وده يا جماعة اسوأ فقر ان تكون غني الجيب وفقير القلب ده اسوء فقر لكن الغنى الحقيقي - [00:37:40](#)

ان القلب يكون غني والجيب مش فارق معانا عشان كده نسأل الله سبحانه وتعالى ان يكون هو اغنى ما في قلوبنا وان نستغنی به عن غيره سبحانه وتعالى فليس الغنى عن كثرة العرض - [00:38:08](#)

ولكن الغنى غنى النفس ان الناس تبقى من جوة كده غنية. المهم هو ماشي مع مع زوجته وزوجته لابسة حزاء الحزاء ده آآا في ثقب الجزمة بتاعتها مخرومة من قدام. فهي جت تتحرك فلقت ايه فصايعها باين. لابسة الشراب فرجليها جزء منه بانت - [00:38:32](#)

فهي بتقول له انا مش هنفع امشي كده انت شايف الجزمة بتاعتي وبتاع عاوز اجيب جزمة جديدة فقال لها انت عارفة ان انا مش معي وهو صادق مش معه بقول لها والله يا بنتي انا مش معايا - [00:39:00](#)

آآا فهي برضو متضايقه يعني شعور متفهم بس برضو الرجل هي عمل ايه مش معه وبعد ما مشوا مية متر كده هي متضايقه مش قادر تكميل يعني ايه وكان الموضوع خدشها يعني - [00:39:11](#)

فازن عوائز واروح انا مش هكمل يمين شمال انا مش هكمل مش قادرة تمشي بالايده؟ بالحزاء ده وهو مقهور هيجب منين؟ مش مع فبرضو قال لها كلمة كده يعني ضايقتها هي تضايقه فتضايقه المهم حصل ايه - [00:39:27](#)

ام مما يحدس في النفوس يعني فقالت له انا همشي لازم ارجع وبعد ما سابتة كده عشرة متر قال لها يا فلانة استني هو لو ملك الموت اتي لي ولك الان يكون اخر حاجة في قلبي وقلبك لأن احنا متخانقين عشان جزمة - 00:39:46

فردة جزمة سبحانه الله الفكرة دي والخاطرة دي عدلتة وعدالتها عملوا ايه بعد كده؟ مش ده للتفكير بقى ان شاء الله يمشوا حافبين بعد كده بس هي فكرة ايه كده نقول بقى بعد كده استدرك على نفسه - 00:40:06

هو احنا لو كنا اختلفنا على فيلا في التجمع على عمارة سبع تدور وملك الموت جالنا مع فردة الجزمة برضو فاواعي ملك الموت يجييك وقلبك كان متخانق على فردة جزمة - 00:40:29

او طموحه كان فردة جزمة فعفوا على المسال بس الفكرة دي توصل لك بقى دايما المشهد الخاطرة دي تخليك دايما اووعي خاطرة ان انا مم مش هيكون هو ده اللي انا هقابل ربنا به - 00:40:46

ان يكون قلبك اخر سورة اتلقطت الملائكة وهي بتدون في كتابك اخر حاجة كتبتها هو كان بيتجانق هو وزوجته على مصاريف العيال وهيروحوا يشتروا الحاجة دي ولا لا - 00:41:06

كان اخر مرة بنتخانق معه بتقول له انا هروح الجيم قال لها لا ومش عارف ايه وفيه اختلاط وفيه اغاني قالت له لا انت بتغير غيره مش عارف ايه هوب بيعملوا ايه - 00:41:27

حصل حاجة ماتوا الاثنين اخر حاجة فكرت فيها وكانوا بيفكرروا رايحين يقابلوا ربنا على ايه؟ مختلفين على الجيم دي كانت اخر حاجة بيفكرروا فيها اخر حاجة كانوا بيفكرروا فيها طالعين من الساحل مع بعض. هندخل مارينا ولا نروح مش عارف فين؟ يقول له لا اصل كذا ومش عارف ايه كذا ده هزا فيه هنا بنات ما شاء الله يقولوا - 00:41:41

يا عمي بلاش بلا بنات خلينا بس في الشرب بس ومش عارف يهب العربية اتكلبت اخر لقطة فكرروا فيها اهم حاجة اجي اطلع الاولى اهم حاجة اطلع الاولى في الایه؟ في الاحياء. لازم اجيبي مش عارف ايه عشان اكون مشهورة وانا اطلع الاولى وكل - 00:42:10  
وده انه بقى يغيب مني وايوة يا عم الناس اللي بيقولوا في الامتحان بتاع الشهر ده والمدرس يحبني والناس كلها مش عارف ايه والكل يهبني وآ عبد الرحمن وعمر والناس دي كلها تبدأ تحترمني وندى واميرة والكلام ده كله يعرفوا قيمتي وتروح ميتة - 00:42:29

اخرا لقطة مشغولة بالایه؟ بالامتحان بتاع الشهر تطلع الاولى عشان كل دول ياخدوا بالهم دي اخر لقطة كانت جوة القلب دي فاھل البر قلوبهم تغلي بالبر فالخواطر خاطرة عادية تعدله - 00:42:50

بنها طول عمرها طول العمر مخلياك تعرف حقيقة الحاجة الحقيقة صح اللي بيفهم بيرريح مش التكاتك قالوا لنا كده الجماعة بتوعة العربيات والتكاتك كاتبين كده اللي بيفهم بيرريح. اه والله انت لو فهمت هتريح - 00:43:10

فمش هنتدععي اللهم ارنا الحق حقا وارزقنا اتباعه. يعني ايه؟ يا رب اديني البصيرة. عاوز اشوف. عاوز افهم الرجل الكريم قوي يعني اللي لقى ناس كانت مسافرة ودخلوا عليه بيته - 00:43:27

جعانيين فقالوا له عاوزين ناكل وبتاع الرجال ما كانش عنده حاجة في اليوم ده ما كنش عنده حاجة فقال لمراته هنعمل ايه وبتاع وانا مش هينفع اعتذر للناس الناس كلها شايڤاني لأن هي ما شاء الله لا قوة الا بالله وحاجة محترمة قوي - 00:43:40

قالت له ما عندناش حاجة. تعال نبص في الجنينة كده فبصوا في الجنينة بتاعتتها فقالت له ما فيش حاجة لا في فراخ ولا في اي حاجة نقدر نقدمها. قالت له ما فيش الا الحمار اللي مات امبارح - 00:43:56

فلعابه سال كده الحمار على فكرة لحمته مسكرة بيقوله قالت له اه طبعا هي اللحمة مسكرة. عشان كده اي لحمة تأكلها مسكرة امسك قلبك والناس في مصر كتير نحسبهم آآ يعني بعضهم مر على اللحوم المسكرة - 00:44:07

المهم فالاخت آآ خلاص طب ما نعمل الحاجة ديت والدنيا تعدى وخلاص عشان نخرج برة المشهد ده وراحوا هوبا خدوا حنة من الفخدة والدنيا اشتغلت وتبل والريحة بدأت تعمل جو والراجل قال له مش انا قلت لك كريم وعلى الليلة الريحة قاعدة عمال تعدي بقى وتخشن عليهم جوة - 00:44:34

هو فالراجل خلاص هيموتوا يقول له ده انت فعلاً ما كتتش واحد بالي من كده. قال له لا انا قايل لك هيعملوا شغل عالي وجابوا لهم الاكل وبتاع وحطوا فالراجل يقول لهم اتفضلا و كلوا - [00:44:57](#)

وهو ايه هم يقولوا لا انت تأكل معنا يقول لهم لا احنا اهل كرم ما نمش ايدينا على اكل الضيف واصحابنا بقى ايه اللي نسي يسمى واللي سمي وكل وبتاع وده حيقول له ياه والله العظيم ما له حلال. يا اخي شايف الطعم عامل ازاي - [00:45:13](#)  
اقسم بالله ما كلت مسلها قبل كده. ما انت فعلما كلتشر زيها ومش هتاكل تاني بعدها المهم صاحبنا ده ليه ما كلش ليه الراجل ده مكنش ها ليه الشباب - [00:45:32](#)

ليه يا اخوات؟ عشان هو عارف الحقيقة عارف الحقيقة هو ده عارف الدنيا فلا ينافس في عزها ولا يسعى في مجدها هو عارفها اشتغل بالراحة وتيجي له تحت رجله فلما تبقى انت عارفها كويس قوي لأ مبتنافسش فيها - [00:45:48](#)  
اه بنافس في الاخرة. انا ما عنديش دنيا واحدة. انا كمسلم ما فيش حاجة اسمها دنيا واحدة. انا حسبتي واحدة خط سير واحد هو حبل واحد ممتد الدنيا محطة هو محطة انا رايح الاسكندرية اول ميت متر اه - [00:46:08](#)  
محسوبين من طريق اسكندرية مش ميت متر في اتجاه واسكندرية في اتجاه. لأهم سكة واحدة واحدين بالكم هي سكة واحدة فانا في دنيتي اه كل شيء منشغل بييه اه عيني على اخرتي - [00:46:28](#)  
عيني على اخرتي فانا بدرس بشوف ده هينفع هيصب معايا فين في الاخرة اه بنزل اشتغل بيصب معايا فين في الاخرة؟ رايح ازور مريض بيصب معايا فين؟ في الاخرة. رايح ازور عمتى بيصب فين معايا في الاخرة؟ وبعد شوية هتلافقه زي السواقه كده - [00:46:45](#)

في الاول بتبقى مركز قوي صح؟ وعاوز تنقل من الدرجة دي للدرجة دي وتحط على دي وتحط مش عارف ايه وتركز قوي في الطريق وتاخد بالك من المرايات وبتاع بعد - [00:47:01](#)

شوية الموضوع عفو ليه؟ خلاص بقيت بسوق عادي جدا انت لو دربت نفسك على الهم الاخربي هتلacci الدنيا بقت ايه؟ خلاص سلسة الاستحضار بقى بايه سالك فا الحاجات دي الخاطرة اللي بتيجي لك ديت آآ في فكرة عن الدنيا في فكرة عن الاخرة وبعددين تبدأ تنقلها بصورة وتحطها بتفرق كتير - [00:47:11](#)

واحد شوفتوا الرجل اللي شايف موضوع فردة الجزمة هي خاطرة جاتلو اتقليت بقت فكرة بقت صورة بقت خلاص حطها قدام عينه والموضوع انتهى طول عمره يريحه بقى. واحد تاني لا عاكس المشهد تماماً. شايفه حاجة كبيرة قوي - [00:47:39](#)  
وآآ مكبرها فلما كبرت في قلبه لما كبرت في قلبه حاسة ان احنا داخلين على ساعة فقال لك لازم بقى نوقف بقى امسلة وشرح نلحق نقرأ اي كلمتين ابن القيم عشان الناس ما تدعیش علينا. بيقول ولا تزال الخطرات - [00:47:58](#)  
ردد على القلب حتى تصير مني باطلة يقول كسراب بقعة يحسبه الظمان ماء. يقول واخس الناس همة واوضاعهم نفساً من رضي من الحقائق بالاماني الكاذبة واستجلبها لنفسه وتحلى بها وهي العمر الله رؤوس اموال المفلسين. ثم قال وهي اضر شيء شيء على الانسان - [00:48:18](#)

وتتولد من العجز والكسل تتولد من العجز والكسل وتولد التفريط والحسنة والندم بتولد التفريط والحسنة والندم ايه اللي بيخلية على طول الخط بيقع في الحنة دي كسان. شف كنت بقرأ في كتاب - [00:48:43](#)  
اه واحد بيذون كان بيتكلم على يعني بلده عدت على تجربة كده عشرين سنة حرب وهو كان اه وزير الخارجية في الدولة دي ده بيذون آآ يعني ذكرياته في الكتاب ده يعني كانه شاهد على العصر - [00:49:16](#)

فيبيقول لما العدو خلاص هيهجم النهاردة وعندى معلومات ان هو هيهجم اليوم بالليل وخلاص بقى وهيبهدل البلد وبتاع فانا مش عارف اعمل ايه يعني فيبيقول قعدت في مكتبي وقادع اول مرة افكر - [00:49:40](#)  
فوجدت ان اكابر داعي للقلق يعني اكتر حاجة تهيج القلق والاكتئاب هو التفكير في القلق هيعمله هيروحوا وهو قاعد قل فاما وجدت الا نفسي تقول تحرك يزول قلقك حرك فعلاً سبحانه الله السكينة في الحركة - [00:49:55](#)

عند اهل الاسلام السكينة بتأتي مع الحركة. وقلنا لكم قبل كده است ايات بتعوت السكينة آآ بتيجي فين الحركة يعني الله سبحانه وتعالى لما ذكر اربع ايات في السكينة - 00:50:20

اه تلات ايات في السكينة في سورة الفتح. سورة الفتح دي فيين بتتكلم على ايه؟ على الحديبية. صح اتكلم على صلح الحديبية لما اتكلمت على معاذ الحديبيه كذا: حوار مكالمه بارجحه: موكهه مداععه مشقة ففـ ٤٠٥٠:٤٠

قد رضي الله عن المؤمنين اذ يباعونك تحت الشجرة فعلم ما في قلوبهم فانزل السكينة شوفتوا بقى السكينة بتيجي هنا طيب  
00:51:00

وذكرت فين تاني السكينة لا تحزن ان الله معنا - 00:51:00

فایه اللي حصل؟ تيجي السكينة هنا. طب وده في مشهد فين؟ ده مشهد في مشهد هي في سورة التوبه بس ده مشهد ايه؟ مشهد الهجرة حرکة لله طب والسكينة جت تاني فين؟ في حنين - 00:51:18

لما اعجبتهم كثراهم عند الله اكبر فاز السكينة هنا جت تاني في الحركة وجيتن فين تاني في جيش طالوت لما قال لهم قال لهم نبيهم ان اية ملكه ان ياتيكم التابوت فيه سكينة من ربكم - 00:51:31

اما اذا كان مسلماً عارفاً كويس قوي السكينة في الحركة والسلف لهم كلمة جميلة قوي البركة في الحركة البركة في الحركة عاوز بركة تتحرك لكن عشان كده ايه الخوف يعني القلق من الخوف قلق - 00:51:51

فالحل لازم تشغل نفسك. تتحرك فاللي بيقى عاجز وكسلان وقاعد نايم ومش بيتحرك وبتاع عارفين الولاد اللي مش لاقيين شغل كل شوية ما جيش شغل ما فيش شغل الاخوة المتجوزين وقاعددين في البيوت ما فيش شغل ما فيش لا هو الشغل موجود - [00:52:16](#)  
بس السعي المفقود هو بس السعي مفقود لكن آلو في استعانا بالرب جل وعلا واستعاذه من العجز والكسيل وتبدأ تحرك تستمطر سحابة البركة ان شاء الله وسحابة التوفيق بعد كده - [00:52:36](#)

**الله المستعان اللي بيقعد ومركز قوي الحاجات ديت هتببدأ تعمل صور في قلبه - 00:52:55**

صورتها وعائقها بقى يعمل طموح لنفسه بكرة هكير هبقي احسن واحد في الشركة وهسافر اليابان واروح مش عارف فين واطلع من اليابان على امريكا واحد امال ايه؟ فقدد الصورة دي كبرها وي عمل زوم عليها. زوم. وبعدين كان الاول هو لوحده. وبعدين حط مراته جنبها. وبعدين بقى عنده ايه؟ اه خلد وايه - 00:53:16

وسلمة وقاعد يكابر يكابر يعانقها وضمنها اليه فقعن بوصال صورة وهمية خيالية صورها فكره وذاك لا يجدي عليه شيئاً. وإنما مثله مثل الجائع والظمآن. يصور في وهمه صورة الطعام والشراب - 00:53:36

الجو ده والثاني مهموم ان بكرة هيجب فلوس وهيبقى مشهور وهيروح مش عارف فين وهيتجوز ايه وهيبقى معاه خمس عيون  
عربة - 00:53:56

وعقارات وعزبة فقاد سرحان يكبر صورة صورة صورة يقول لك مثله مثل الجائع والزمان يصور في وهمه صورة الطعام والشراب وهو يأكل ويشرب والسكون الى ذلك واستحلاؤه يدل على خساسة النفس ووضاعتها. ابن القيم بدأ يشتم اهو-

00:54:16

بلاش تسرح وكل شوية تخيل هو عنده اربع بيوت واربع زواجات كل زوجة عندها اربع ولاد - 00:54:43  
واربعة في اربعة بستاشر والعيال دي كل واحد عنده عربية وهو مبسوط قوي يقول لك عنصر الاسلام بتاع مش عارف ايه وهكون

هطبق السنن واجاهد تونان فيبدا يهبا بالسنن وسرحاب - 00:55:07  
بصراحة هو اه ممكن حد يعمل حاجات زي كده ويبيقي فيها خير؟ اه ممكن. بس في واحد اصلا مش معاه يعني قوت يومه ومقصر في  
كالا الحقيقة مقاعد عمالة فكر التفكير دارمش رحاب: فالآن القمة برقمهاء - 00:55:23

انما شرف النفس وزكاتها وطهارتها وعلوها بان ينفي عنها كل خطرة لا حقيقة لها. ولا يرضي ان يخطرها بباله ويأنف لنفسه منها يا اخي يعني عسکر الموت ينتزرونك لو هجموا عليك دلوقتي وانت قاعد عمال تفك - 00:55:43

كل طموحك كل طموحك ان مع كل الاحاديس اللي بتحصل في الامم وغزة وقبلها فيضانات وقبلها زلزال وآخذلان كل ده مش قادر يفوقك انت يا ابني ايه اللي هي فوقك - 00:56:01

ايه اللي هي فوقك عارف اللي هي فوقك ايه ربنا يعافينا واياك ان لم تعتبر قدر عليك ما يكون عبرة لغيرك كل من لم يعتبر في هذه الاوقيات فسيف القدر يسن له - 00:56:20

حتى يصير هو عبرة لغيره خلاص الحاجات دي كلها مش مفوكاك لأن اللي مش بيتفوقه الوحي اللي مش بيصححه الوحي هتصححه نار الاقدار خلاص الاثنين دول بقى مش صحوه قبره - 00:56:44

انتهى فاما وحي خلاص الاسلام يقول لك وكنتم خير امة اخرجت للناس والمثنى والقمع وخالف ابن الوليد وابو عبيدة والصحابية والمهاجرين والانصار المرابطين والموحدين ومش عارف ايه ونصرة الدين. كل ده مش جايب معه - 00:57:10

طيب مش عاوز يفوق نعمل ايه رغم ان يعني ما وانصرات كل ده يفوق مش عاوز يفوق يقدر بقى زلزال وبراكين وفيضانات ما ما فوقوش حروب واستحقار وعلو صار وسيطرة وخزان و بتاع ما فوقوش - 00:57:31

لأ ده خلاص كده ده بيجي عشان يفوق غيره ده هنسعمله في فوقان ده يكون عبرة لغيره. ليه؟ لأن ده مش هي فوقه الا قبره فاواعي تكون من الناس دي اووعي تكون من الناس اللي هي فوق لما يقول رب ارجعون. ده خلاص - 00:57:53

قدرت لك قبل الموت كل الاحاديس دي. قدرت لك انك تسمع كلمة وتسمع خطبة جمعة وتقرأ قرآن وتشوف مشاهد كتير قدرت عليك بعض الامراض عشان تفوقك قدرت عليك بعض التضييقات عشان تشوفها تفوقك قدرت شفت الامور اللي بتحصل في الامم - 00:58:15

من حولك عشان تفوق وما فوقتش لا ده انت لازم بقى ايه النكسة وعشان كده خلي التربية السهلة اللي تجيبك واقول له يا رب انا عبد اتي بالمن لا بالمحن.انا يا رب جاي يعني بطائف المحن لا بسلسل المحن - 00:58:35

فاذا اراد الله بك خيرا انت جاي جاي فاما هتيجي بطائف المحن واما هتيجي بسلسل الامراض فانت جاي جاي اذا اراد الله بك خيرا هيجيتك فلا تيجي بدبي لا تيجي بدبي - 00:59:02

ولو الاثنين دول مش بيجيوك لم يعد الا خلاص يبقى الموت هو اللي هيجيب فربنا يرزقني واياكم حسن الختام واسأل الله ان يسكن قلوبنا وان يحفظنا و يجعلنا واياكم من لا يجعل الدنيا اكبر همنا ولا مبلغ علمنا - 00:59:21

وان يجعلنا من يزيد الدار الاخرة واسأل الله سبحانه وتعالى ان يجعلنا من يحيا في سبيل الله وان ماتا لن يكون هذا الموت في سبيل الله وان نلقى الله وهو راض عننا - 00:59:42

واسأل الله سبحانه وتعالى ان نلقاه وليس فيه على ظهورنا حمل اه من اه الزلمات لغيرنا. فنسأله ان نلقاه وليس لمسلم حق عندنا آلاطف الله بي وبيكم وسكن الله قلوبنا واصلح بنا - 00:59:58

واسأل الله سبحانه وتعالى ان ينزل علينا السكينة وان يغشانا برحمته وان يصرف عن هذه الامة الهموم والغموم واسأل الله ان ينصر اخواننا في فلسطين وان يعافيه من كل سوء وان ينصرهم في سوريا وفي كل مكان - 01:00:20

اسأل الله ان ينتقم من اليهود الغاصبين وان يجعلنا واياكم من ينصر الدين ونعود بالله ان تكون من يخلل هؤلاء ويخذل الدين كتب الله لي ولكم حسن العمل وحسن الخلق وحسن الختام. اقول قولي هذا واستغفر الله لي ولكم - 01:00:38